

役也吾知林之子姓世世咸頌纂修之功於無窮矣若夫闡揚論著余則安能然此事屬詞未審前諸先生許步其後塵否

嘉慶十年歲次乙丑（一八〇五）陽月之吉鄉進士文林朗吏部

觀政侯選知縣正堂丙午科舉人年社弟潘振甲頓首百拜譔

### 洪步林氏世系辨疑

按林氏軍繇林安仔原籍泉州府同安縣同禾里四都康順人洪武二十年（一三八七）爲防委事江夏侯抽充永甯衛軍洪武二十七年（一三九四）改調興化衛後所百戶駱總旗唐智小族白二今管百駱下小旗白治及林安仔已故勾丁林尾仔頂補時天下寧靖永樂二年甲申（一四〇四）奉文各衛所軍撥附近屬縣屯種查軍繇內載林尾仔偕男林赤毛林普濟林觀等受本折邑屯田坐落本縣九十都桃源里屯種是安仔即林氏之始祖也尾仔林氏之二世祖也林赤毛普濟林觀三人俱尾公男也查一仰伯私譜載赤毛傳聰發蘆而普濟林觀即爲佛孫之所自出但二人未知誰是則闕疑蓋赤毛即佛生公小名林氏長房之三世祖也明天啓丙寅（一六二六）陳先生修譜錄普濟爲三世祖林觀爲四世祖以兄弟爲父子者誤也蓋普濟林觀今別房有佛孫者即其後裔也未知出何人耳乃尾公之血脈也自尾公傳至聰公世代寒微而佛生公享年不永四十九歲而卒妣劉氏年四十七長子林聰甫十四歲自幼多病二弟發與蘆俱幼則上世譜系葬地之不詳非由此哉而別房之佛孫者聰公從姪也幼隨繼父流

落於永寧之處及聰公家道中興方始尋其歸宗自傳衍以來二百年間俱皆農樸世習莫知譜系世遠事遙幾失其真若非細詳博採何以知此姑錄之以俟後之重修者左券雲

### 十一世孫欲燁謹記

#### 同安林氏叙世錄

予林世家翔風里十三都廩圃之山頭所居在山之巔中隆而四傍低下故名其山之巔又凹若鶴巢堪輿家謂窟中中窟先世因之建屋以居其方背乙辛其向山自吳壠分支蜿蜒而南一里許隆起爲岡壠轉而西向低下地廣四丈許深六丈許僅容一第堪輿家謂直來橫受氣從耳人地理獨重經元季兵亂譜牒失亡開創不知自何年代亦不知何人然以物業第宅基址垣牆磚瓦砾石之可見者推之當是福建林氏之派非螟蛉贅婿寄養之支裔也國初分爲三曰上頭曰下頭曰向邊下頭在吾家之左背空向滿坐午面子爲予家左輔上頭即予家下頭因予家而得名向邊與予比肩而居其東故曰向邊自國初分戶爲二上下頭予一戶也祖曰林可益向邊一戶也祖曰林可賢可益分爲里班從軍北京武清衛可賢分爲甲首從軍永寧衛軍民異籍而祭業猶共之祖遺田若干在官田海蕩九分坐廩圃埭外下頭子孫有曰清保者避軍役逃入永春卓浦聞其枝葉亦繁庶先大夫嘗令人求之軍不認予修永春志求之不得予爲寺丞曾來認族予在京族人納之下頭第宅久廢伯氏源彬之子肅始即舊基建屋今子孫繼約繹等之居是也有觀惠者可賢之裔也子曰景夏孫曰建流亡無踪其弟之孫曰助只一家零落

矣

### 洪步林氏六修族譜序

己卯歲洪步林氏修譜竣體光芳著二生請序於余余不敢以不文辭原夫族譜之修所以奠世系辨昭穆者也世系不奠則不知本原昭穆不辨則不知世序此修之爲不容已焉而其法則通於春秋大要勸善懲惡垂鑒後世而一切紀字紀官紀生紀卒紀葬紀地猶其餘事也然非考據精詳例則嚴謹則或鄰於夸或涉於誕甚且遠宗而誣其祖遙引而誕其宗是豈所謂家乘哉林氏之譜昉於聰公而修則不忘一修矣聰公爲尾公之孫尾公開基洪步至聰公偕姪媽養公而恢大其業誠所謂善繼述而善貽謀者也抑聞之洪步爲宋陳休齋先生舊居尾公卜宅其地豈非遺澤猶存歟厥後子孫熾昌人文蔚起足徵地靈而人傑此所以代有修譜之舉俾支分派別無忘所自且以知敦睦篤親之爲意林氏其方興未艾乎且夫薰心勢利好依附而聯僞宗可恥孰甚焉林氏之譜上正其所自招下折其所分綴世系則確然可據昭穆則秩然不紊其尊祖敬宗何如耶抑亦纂修者兢匕致慎其譜爲可傳可法雲爾

同治癸酉科副魁任福清縣儒學正堂顏良謨拜撰

### 洪步林氏六修族譜序

家之譜國之史所以溯源流詳世系序昭穆別親疏使人信今而傳後也夫其始以一人傳

至千萬人一本散爲萬殊其繼以千萬人羣祖一人萬殊仍歸一本特不窮其本匕源源則人之身未有不忘其所自來者余之東聆曰洪步名勝天開山高地凹林氏聚族而居人烟稠密即宋理學陳休齋先生畫錦故地也溯其先有尾公由同人永卜宅於茲傳至聰公恢大其業剏百世久遠之基爰是子姓繁興人材輩出樂泮水叨廩餼列成均膺秉鐸辟雍備員賓王有志濟濟彬匕難更僕數遠而徙居江浙近而散處泉建具見瓜瓞綿綿雲蒸霞蔚語雲根深者葉茂源遠者流長洵不誣矣然人往往棄其支派忘其高曾捐一本而不顧執途人而親之長之譜失故也譜之時大矣哉獨是林氏之譜前經五修或囑筆於右族大家或執筆於予姓先賢要皆考其世系詳其支派生卒必紀月日墳墓必書坐向各成實錄並無參以耳附臆見林氏殊賴譜以光矣雖然余更竊有感焉也自嘉慶丙寅（一八〇六）歲仗萬波公五修以來迄今又七十餘載間生齒曰興視前較庶苟不踵而修之剛上何以溯根之深下何以徵葉之茂往何以追源之遠來何以驗流之長且使前世之苦心湮然俱失不幾貽先人恫乎而林君全翁瞿然起也全翁以子平之學遊適四方克明大義因子述眼有祖先度口修譜之事遂與芳好君暨族紳耆共議盛舉僉以修譜之事實難全翁夙夜勤勞挨戶查收參互考證而彙纂之且敬翁力清草本妥置成林僉以書楷托筆於余余謝不敏無己爰遵鈞命按稿謄真復不揣固陋并序於冠嗟乎莫爲之前雖美不彰莫爲之繼雖盛不傳全翁爲其難者也余知此舉也是尊祖敬宗之心所積而發也俾後之覽斯譜者知木本水源始不過一人之兮而至於衆人斯親親長長之念油然生矣然則譜之有造於林氏豈淺鮮哉

光緒陸年歲次庚辰（一八八零）仲冬之月穀旦嫗弟州庠生張雲程頓首拜撰